

嘉慶六年孟秋月刊



白河縣志

挹漢亭藏板

白河縣志

分野

白河縣分野圖

東

軫


軍

翼

張

大相

星






北

白河縣志

分野圖


二

白河縣疆域圖



西

外縣河白



白河縣志

地圖

三

界交縣山竹北湖




東與湖北鄖縣交界

界為江隔縣西鄖北

城圖

白河縣志

白河縣內城圖




北門



書院

先農壇



桃園

縣署
城內

倉廩

南壇

北壇

書院

文昌閣

城門

白石河


縣志

縣疆域城池
治學校

白河縣志

城圖

五



白河縣原修縣志序

夫邑之有志猶國之有史所以信今而傳後者詎可一日無也哉粵白河原屬漢中地後為直隸興安州管轄處深山窮谷之中界秦頭楚尾之會所係不綦重乎自明之成化二年置縣設官彼時人烟稠集裕國通商儼然與通都大邑相為媲美及至明末屢遭張賊肆虐人民星散十去其九城市頓為空虛廬舍悉成灰燼迨本朝定鼎而後設官分職民之歸而復業者僅十數家耳官斯土者無不心焉戚之當其蒞任之際漸次招徠竭力勸懇多方培植以教以養卒之未能如舊者蓋以土瘠民貧故也即使有志昌楫亦難如願戊申歲終汪父母來署縣事視事之日上體

白河縣志

序

一

朝廷愛民之心下恤百姓力田之苦如建祠宇修倉廩經營區畫春省耕秋省斂籌度勞心未暮月而政通人和百廢俱興復於公餘之下留心採訪適值奉文纂修陝省通志行取各縣殘篇而汪父母遂傳集等士民顧而言曰志者所以旌已往勵將來誠有不可缺者爾諸生皆生於斯長於斯盡悉夫山川之形勝風俗之美惡

何不各出所知記錄成編以備採擇善等雖不文敢不
黽勉以從然而前代人物古蹟及孝子順孫義夫節婦
之名既無文獻舊志之可考又無斷碣殘碑之足錄故
畧而未備雖已成帙亦不過記其事已耳敢云志乎哉
倘後有作者纂成縣志凡忠義之士節孝之人旁徵遠
引隨筆直書使後之流覽者亦知某也忠則封蔭其子
孫某也孝則旌表其門閭將見士農工商各皆感發而
興起愚夫愚婦亦以考古而信今是有關於世道人心
者誠非鮮淺矣

白河縣志


序

二

王達心

雍正七年歲次己酉仲冬邑庠生管盡善全書

毛彪



志序

邑之有志舊已其尤著者如華陽國志襄陽耆舊傳近代以來則康對山之武功志叙事曲雅足補史氏之闕外此弗聞焉夫一邑必有一邑之山川城郭必有一邑之壇廟橋梁必有一邑之典章文物必有一邑之圖籍戶口凡秉筆而為志者無不紀載靡遺以備史官採擇而何以有傳有不傳即傳矣何以有永有不永嗟乎儒者立言貴乎不朽固不在邑之大小為也白河秦屬漢中郡在漢為錫縣晉魏以還或隸

白河縣志

序

上洛或隸豐利或隸均州前明成化時始立白河堡旋改為縣白河縣之得名自茲始其地前臨漢水後枕上庸下達鄖襄上通漢沔亦秦楚要區也縣城明末燬於兵我

朝康熙間知縣事龍家佐磊石築之後邑令羅文思謝奉璋復增修之規模稍稍可觀乾隆癸丑歲吳興嚴一青來治茲邑時患山賊竊發增築外城民賴以安余既為之記書其碑後矣君又念邑舊無志山城樸陋文獻無徵欲思昭示來許用垂不朽因以公餘綱

羅軼事採輯舊聞勒成縣志若干卷舉凡山川城郭
壇廟橋梁典章文物圖籍戶口鉅細畢紀尤難其詞
簡義賅典雅可誦俾後之覽者亦如華陽國志襄陽
耆舊傳康對山之武功志得與並垂永久也余深嘉
之因為之序

嘉慶六年歲次辛酉季秋前署縣事葉騰蛟序

志序

郡邑之有誌也非獨以備一方之掌故以供乎輶軒之采已也為之紀其幅幘之廣狹山川之險易戶口之登耗與乎俗尚之貞淫奢儉使蒞此土者當其無事則隨時立政順俗成化有事則因勢制勝設險衛民無不考之於誌而得乎其所以撫綏禦侮之方也白河自前明成化年間始建縣治蕞爾山城而當秦楚之衝明季屢遭兵燹比戶摧殘

國朝定鼎之後

白河縣志

序

一

聖聖相承厚澤深仁涵煦於百餘年間遂駸駸乎一繁昌

之會矣嘉慶元年教匪滋事以來此地遂為戰爭之場死傷轉徙十室九空不轉瞬間而豐亨豫大之形漸成凋敝於此見羸絀之無常而民生之不易易也今賊氛將次殄滅所為設險守禦之法似無庸過為籌畫然撫此瘡痍當如何安集招來俾得優養生息以漸復乎熙攘之舊者其道不可不亟為之講也前令吳興嚴君蒞此土者九年於茲時值紛紜凡所為捍禦撫綏之術無不因時因地竭盡苦心今此才遺

何莫非嚴君呵護卵翼以存之者然其心猶有所未盡於其將去也爰修縣志彼其意亦豈惟是脩一方之掌故已耶無亦使後之繼此而治者覽於是書為之考其山川按其戶口因惕然於盛衰之無常殷盈之難恃而前人之所以因地設險以保此遺黎者用心良苦則顧此瞻鳥之象而思所以蘓鴻雁之勞者宜何如亟亟也予以匪才承乏是邑常恐有負於此方之民而無以繼乎嚴君之志也於是書之成弁片言於首用以自儆且以勵乎後之官斯土者因為之

白河縣志

序

二

序

嘉慶六年歲次辛酉季秋月穀旦

署白河縣事黃 衮序

志序

志乘之作昉自周官內以備臣工考鑑之資外以供太史輜軒之採由來舊矣癸丑冬予承乏茲土即訪邑乘僅得稿本其中諸多缺畧予毅然為已任肆力蒐羅備加考証迨至丙辰春枝江教匪聶傑人等首先倡亂二月二十二日竹山縣教匪聚眾攻城城陷而竹谿鄖縣鄖西等處教匪相繼以起白河三面距楚二鄖二竹皆其接壤當其時警告疊至訛言頻興外患將浸內憂復起且承平日久百姓目不見兵革

白河縣志

序

一

一旦變起倉卒諸鄉民扶老携幼號哭徒跣逃避山谷先是予書示傳牌諭帖分遣幹役飛赴各鄉傳諭各鄉紳士鄉保速集義勇堵禦隘口幸得諸紳士激勵踴躍共矢義憤輸捐口糧不兩日白河與鄖竹交界諸處齊集鄉勇六七千人二十七三十等日竹山賊匪分路來擾俱為卡勇擊退外匪既不能入而邑中之謀為內應者亦潛伏而不敢動予先擒其巨魁請於軍門斬之然後搜捕其從逆者審訊明確分別辨理自是境內廓清得賴安全他如鄖西之夾河關

鄖縣之劉家灣則又得 軍門柯公名藩 陝安觀察
副使文公名需掃除羣醜滌蕩妖氛而波及於隣封者
也雖然設險慎守居安慮危所為未雨綢繆之計尤
不可不至白河舊城周圍止一里三分四面皆山形
如釜底使賊人占據山梁乘隙而攻勢不能一朝守
也予乃相度城外土地嶺天池嶺周家堙陳家堙探
馬溝呂家山長春寺嶺太山嶺清風溝柰園等處隨
其山勢扼其險要捐築外城二千一百餘丈三千二
百五十餘堵周圍十餘里可容萬家居住遂飭令數

白河縣志

序

二

十里近城居民俱於城中結茅為廬無事則散之田
野有警則避入城中又勸諭各鄉紳士鄉保居民人
等自備口糧團練義勇視賊從何處而來除該鄉係
來路隘口自守本卡外並調附近該鄉鄉勇趕赴卡
倫協力堵禦其距賊匪來路稍遠各鄉亦飭令各集
義勇互相聯絡以壯聲勢嗣於二年三月賊匪又從
襄陽擾至南陽經鄖州商南突入鄖西四月初七日
鄖西城陷上津等處相繼俱陷白河與鄖西僅一江
之隔耳自上津以至夾河關一百二十餘里之間屢

泊扁舟無數使賊奪舟順流而下頃刻可至予先傳諭各鄉義勇齊集沿江一帶三四里為一卡卡數百人數十人不等俱令執刀矛烏鎗布置林列夜則懸燈相望擊柝相聞於是賊知有備不敢渡江而南盡悉其衆北竄矣是年五六月之間天久不雨西南諸鄉疫癘時行民多疾病賊匪人從房保擾至二竹遂乘間竄入邑之西南境時八月初七日也予急招竹山鄖縣等處鄉勇舉衆素救不數日陸續俱至與本處鄉勇齊集不下七八千人十一日紮營離縣城

四六里之高庄峪時賊紮營芷芳坪相距三十里十二日黎明衆進至藩溝口距賊營二里許鼓勇而前鎗炮齊發賊大惧造飯未及食不戰而走是日賊退七十里至安家庄 延榆觀察副使溫公名帶領鄉勇約六七千人從竹山來駐紮大山廟奮勇勦殺而賊遂西竄洵陽矣而邑之東南北一帶尚得完善惟是自二年以後賊勢漸熾每股不下數萬非設立重卡扼其險要勢難堵禦予乃與東鄉東坦與竹山交界之黃土嶺南鄉與竹山交界之陽坡並與竹山交

界之紫木樹埡西鄉與洵陽交界之五條嶺共設總卡四處每卡各設鄉勇千餘名又與總卡外自東鄉黃龍洞起至金嶺界牌石止與鄖縣竹山洵陽交界一帶界嶺或七八里或十數里設一大卡共計十六卡每卡設鄉勇百餘名或二百餘名不等其七八里十數里之中又以三四里為一小卡卡撥鄉勇五名以捕奸細以傳信息又與蔣家梁桃園寨陽百家坡一帶設第二重卡隘卡設鄉勇千餘名該處俱係南隔山梁北臨江岸賊從南來則以守卡賊從北至則

白河縣志

序

四

以防江且遇邊卡緊急以便往來救應無如城匪詭譎異常往往指東撲西鄉勇本屬農愚竟至受其播弄計自四年以至五年入境數次各卡鄉勇雲集賊匪不敢肆其荼毒且俱稱白河為雙城縣不敢向前數年以來實未深遭蹂躪頃白河地瘠民貧而各卡鄉勇除三年因歲收歉薄給發包谷一市升外其餘俱係民間自備口糧自元年軍興以來年歲俱未豐稔貧民乏食者多而賊匪奔竄無常斷不能使枵腹之人執戈捍禦竊以為官為資給不惟於例無可開

銷而虛糜

帑項撫心實屬不安再四思維非設義倉不可五年四月予先捐穀一千石捕廳吉君天成捐穀二百石城廂內外暨四鄉殷實紳耆踴躍伙助不兩月已得捐穀價銀七千五百餘兩原擬分貯倉儲接濟各卡鄉勇暨入城難民口食無如糧價昂貴碍難構買遂改置義產其義產每年標項所出而各卡乏食者亦得稍資接濟即事靖之後遇有水旱偏災亦可藉以無恐又於改置義倉之外製造帳房號衣軍火等項先

白河縣志

序

五

是予於四月間稟請 撫兩憲設立鄉總堡總分別賞給六七八品頂戴以使統率予隨傳諭四鄉鄉總堡總鄉保領首人等齊集縣城反覆曉諭共訂條約十數則摠以固結人心占據山險聯絡聲勢遠探賊踪密布卡倫預備糧食為要策議定除將號衣帳房軍火等項給發各鄉以資堵禦外並質諸神明以誓不二六月間又奉 撫憲札飭令增修寨堡並將與川楚交界地方挖壕築壘等因數年來經予督率居民已脩寨洞共三十四處惟查白河幅員寥廓周圍

四百餘里居民止八千餘戶團練鄉勇亦八千餘人東至黃龍洞西至陳家河中間二百餘里路徑紛岐賊匪處處可以竄越止此數千人設卡防守誠有鞭長莫及之勢且賊匪自數年以來倚山靠險愍不畏死鄉勇雖經操演而相遇打仗不免胆怯即施放鎗炮類多心驚手顫之虞計惟憑高據險或可恃以無恐予因與衆紳士鄉總堡總悉心籌議東至黃龍洞西至紫木樹壩中間一百五六十里俱與竹山交界有界嶺一道白白河紫木樹壩以北歷洵陽水磨河

白河縣志

序

六

金河腦五條嶺至歇馬廠直出展園至漢江口中間一百餘里亦有界嶺一道自白河黃龍洞以東歷鄖縣葛藤壩大坪木瓜溝至漢江之口亦有界嶺一道以上界嶺雖分三道然係一脉相通山勢亦互為聯絡計擬於此三百餘里之地盡築邊牆則一面依恃山險一面隔斷漢江河山帶礪可以永遠固守予隨勸諭居民興工修築自黃龍洞至紫木樹壩一帶界嶺業於前四月興工已脩十分之七八其水磨河以北一帶界嶺洵陽居民恐碍禾苗遲至七八月方行